

Xeem Tsis Dhau Qhov Kev Kuaj:

Qhia Paub Txog Qhov Kuaj Tau Cov
Cua Pab Ua Pa Hauv Cov Ntshav

Minnesota Qhov Kev
Kuaj Cov Me Nyuam
Yug Los Tshiab



Koj tus me nyuam mos liab xeem tsis dhau qhov kuaj cov cua pab ua pa hauv cov ntshav.

Kev lub plawv yeej muaj mob thaum yug tau los lawm (CCHD) yog dab tsi?

Cov mob plawv uas yeej muaj thaum yug tau los yog cov kheev muaj ntau tshaj rau ntawm cov me nyuam yug los es muaj mob. Cov mob rau lub plawv ua rau muaj teeb meem rau cov khoom sib sau ua ke ntawm lub plawv los yog rau txoj kev uas cov ntshav khiav ntws los mus dhau hauv lub plawv. CCHD hais txog cov plawv muaj mob uas yuav tau kho thaum ntsov los mus pab tiv thaiv lwm yam teeb meem mob.

Yog vim li cas txoj kev kuaj rau CCHD thiaj li tseem ceeb?

Txawm qhov kev siv tshuab hluav taws xob los tsom saib tus me nyuam hauv niam plab tej zaum kuj yuav txhom tau ib txhia mob ntawm CCHD los, nws yuav txhom tsis tau tag nrho cov mob ua ntej yug tus me nyuam. Yog tsis kuaj sai kiag tom qab yug tau tus me nyuam, cov uas muaj tus mob CCHD tej zaum cia li muab xa mus tsev yam tsis tau kho tus mob vim yeej pom zoo li tus me nyuam tsis muaj mob dab tsi. Thaum nyob rau tom tsev, cov me nyuam mos liab no kuj yuav cia li muaj teeb meem mob hnyav thiab feem ntau tau coj mus rau chav kho mob ceev. Yog hais tias txhom tau tus mob CCHD thaum ntsov, li cas los, yuav kho tau cov me nyuam mos tus mob thiab ua rau lawv lub neej noj qab nyob zoo dua qub.




Muab cov me nyuam mos liab los kuaj li cas rau tus mob CCHD?

Muaj ib txoj kev kuaj yooj yim rau cov me nyuam mos liab hu ua kev kuaj cov cua pab ua pa hauv cov ntshav. Kev kuaj cov cua pab ua pa hauv cov ntshav yog ib txoj kev kuaj sai thiab tsis mob uas siv ib yam cuab yeej ntsuas tso rau ntawm tus mos liab daim tawv nqaij (feem ntau yog ntawm txhais tes thiab txhais taw) los mus xyuas kom paub cov cua pab ua pa hauv cov ntshav seb muaj npaum cas.

Nws yog txhais li cas yog hais tias kuv tus mos liab xeem tsis dhau qhov kev kuaj cov cua pab ua pa hauv cov ntshav?

Nws txhais hais tias qhov kev kuaj txhom tau tias cov cua pab ua pa hauv koj tus mos liab cov ntshav qis heev. Qhov muaj cov cua pab ua pa qis heev kuj yog ib tug cim qhia tias muaj tus mob CCHD los yog lwm yam mob xws li muaj teeb meem ua pa tsis zoo los yog ua mob. Yuav tau kuaj ntxiv kom paub tias yog vim li cas ho txhom tau tias cov cua pab ua pa qis li ntawd.



Yuav muaj dab tsi tshwm sim tom ntej?

Ua ntej koj thiab koj tus mos liab mus tsev, koj tus mos liab tus kws kho mob yuav teem kuaj ntxiv thiab ntsuam xyuas los mus txiav txim seb koj tus mos liab puas muaj tus mob CCHD tiag.

Kev kuaj ntxiv kuj yuav muaj xws li kuaj cov cua pab ua pa hauv cov ntshav ib zaug ntxiv, siv tshuab hluav taws xob los tsom saib lub plawv, kuaj xyuas kev khiav ua hauj lwm mus los ntawm lub plawv, thiab/los yog yees duab fais fab ntawm lub hauv siab. Yog koj nyob rau ntawm ib lub tsev kho mob uas muab tsis tau cov kev kuaj ntxiv no, tej zaum kuj yuav muab koj tus mos liab xa mus rau lwm lub tsev kho mob uas kuaj tau.

Yog cov kev kuaj ntxiv no ua rau pom muaj kev txhawj xeeb txog tus mob CCHD, ces koj tus mos liab yuav tau mus ntsib ib tug kws kho plawv rau cov me nyuam mos. Ib tug kws kho plawv rau cov me nyuam mos yog ib tug kws kho mob uas paub zoo txog cov teeb meem muaj mob rau lub plawv rau cov me nyuam mos liab, cov me nyuam mos, thiab cov hluas. Yog koj nyob rau ntawm ib lub tsev kho mob uas tsis muaj ib tug kws kho plawv rau cov me nyuam mos, yuav tau muab koj tus me nyuam xa mus rau ib lub tsev kho mob uas muaj ib tug kws kho plawv rau cov me nyuam mos.

Dab tsi yog qhov kev kho rau tus mob CCHD?

Cov me nyuam mos liab uas muaj tus mob CCHD kheev yuav tau phais tus mob thaum tsis tau nto thawj xyoo hauv lub neej. Yuav tsum tau tsim kom muaj ib daim phiaj npaj los kho tus mob hauv lub plawv rau txhua tus mos liab uas muaj tus mob CCHD.

Cov chaw muaj kev pab rau cov niam cov txiv

American Heart Association: www.heart.org

Lasting Imprint: www.lastingimprint.org

Mended Little Hearts: www.mendedlittlehearts.org

Parents for Heart: www.parentsforheart.org

The Children's Heart Foundation: www.childrensheartfoundation.org



Puas muaj lus nug ntxiv txog qhov kev kuaj cov cua pab ua pa hauv cov ntshav?

Txhob ua siab deb hu rau qhov Kev Kuaj Cov Me Nyuam Yug Los Tshiab ntawm (800) 664-7772 los yog mus saib peb online nyob rau ntawm www.health.state.mn.us/newbornscreening

Lus cim (notes):